

廣黃帝本行記

唐閬州晉安縣主簿王瑾述

修行道德

黃帝以天下既理物用具備乃尋其訪隱問
 道求仙莫獲長生久視所謂先理代而登仙
 者也時有竇封子為陶正有神人過為其掌
 火能出入五色煙火則以教封子封子積火
 自燒隨煙氣上下一旦飛去往流沙食飛魚
 暫死二百年更生黃帝即其道從封子遊於
 蘭沙使風后負書常伯符劍且往涇流夕歸
 蒲晉行萬里而一息涇流如沙塵足踐則陷
 其深難測大風吹沙如霧霧中多種龍魚龍
 皆能飛翔有石藍青色堅而甚輕從風靡靡
 覆於流沙之上一莖百葉十年一花故竇封
 遊海詩曰青藍灼燦千載舒百齡暫死食飛
 魚有務光子身長八尺七寸神仙者也務光
 帝至夏時命遊民間有赤將子與者不食
 五穀唱百草花而長年王先謙為水正能
 夫有容成公善補導之術守生養氣谷神不
 死能使白髮復黑齒落復生帝慕其道乃造

五城十二樓以俟神人即訪道遊華山首山
 東之泰山時致怪物而與神會通接神人於
 蓬萊迥乃接萬靈於明庭京兆仲山寒門甘
 泉谷口在長安北黃帝於是祭天圓立將求
 至道即師事九元子以地皇元年正月上寅
 日齋於首山在河東復周遊以訪其道將見
 大隗于具茨之山方明為御昌寓騷乘張若
 謂彥前導謂音習居舒火閻滑稽後從至襄
 城之野七聖皆迷遇牧馬童子問途焉若知
 具茨之山乎曰然莊子以大隗喻大道具茨
 在梁陽矣莊子若知大隗之所存乎曰然黃
 帝曰異哉小童非獨知具茨之山又知大隗
 之所存乎莊子請問為天下小童曰
 夫為天下者亦若是而已矣又奚事焉莊子
 其水草量力東之治天下者精而余少而自
 遊於六合之內余適有替病有長者教余曰
 爾乘日之車而遊於襄城之野今余病少痊
 余又且復遊於六合之外夫為天下者亦若
 此而已又奚事焉六者外者異於世也六合
 也是者體道之人也日車者日新也童子言
 未悟遊之時與物不羣潔身明心以遺風疾

心緒先狂及過體道之人開手至理索日新
 之進與特推移和光同塵波流漸靡外無物
 累內虛虛忘如此真心皆病尋愈帝曰
 理天下何異於斯我無為而人自化帝曰
 夫為天下誠非吾子之事雖然請問為天下
 小童辭黃帝又問小童曰夫為天下者亦美
 以異乎牧馬哉亦去其害馬而已牧馬者不
 傷其性也
 理天下者無帝再拜稽首稱天師而退帝曾
 省天皇真一之經而不解三一真氣之要是
 以周流四方求其釋解乃至圓立之上其國
 有不死之樹食其實與葉人皆不死丹巒之
 泉飲之長生有巨蛇害人帝以雄黃逐之留
 一時而返外國記云帝令三子習服之皆壽
 三百歲東到青丘見紫府先生登於風山受
 三皇內天文大字他卦云以勅召萬神段
 使摩靈南到五芝玄澗登玄隴陰建木觀百
 靈所登降採若乾之芝一云飲丹巒之水西
 見中黃子受九茹之方北到鴻隄上具茨見
 大隗君密縣有黃蓋童子受神仙芝圖十二
 卷登稽山陟王屋關石函發玉笈得金鼎九
 丹之經復受九轉之訣於玄女南至江登熊
 湘熊山在仰鹿相山往天台受金液神丹之

方聞廣成子有遺在空同山

在崑崙虛城見

之曰聞吾子達於至道敢問至道之精吾欲

取天地之精以佐五穀以養人民吾又欲官

陰陽以遂羣生為之奈何廣成子曰汝欲問

者物之質也汝欲官者物之殘也自汝理天

下雲氣不待簇而雨草木不待黃而落日月

之光益以荒矣汝佞人之心剪剪者奚足以

語至道哉黃帝退捐天下策特室席白茅闕

居三月復往邀之廣成子南首而卧黃帝順

下風膝行而進再拜稽首而問曰聞吾子達

於至道敢問治身奈何可以長久廣成子

然而起曰善哉問乎來吾語汝至道之精窈

窈冥冥至道之極昏昏冥冥必靜必清無勞

汝形無攝汝精乃可長生目無所見耳無所

聞心無所知神將守形乃可長生慎汝內閉

汝外多知為敗我為汝遠於大明之上矣至

彼至陽之原也我為汝入於杳冥之門矣至

彼至陰之原也天地有官陰陽有職慎守汝

身物將自壯我守其一以處其和故我修身

千二百歲矣吾形未嘗衰也黃帝再拜稽首

曰廣成子之謂天矣廣成子又曰彼其物無

窮而人皆以為為終彼其物無測而人皆以為

極得吾道者上為皇而下為王夫吾道者上

見光而下為土今夫百昌皆生於土而返於

土故將與汝入無窮之門以遊無極之野吾

與日月參光與天地為常當我歸乎遠我昏

乎人其盡死而我獨存乎黃帝得道之要復

周遊四海車轍馬跡丹井遺墟往往而有

天社山有丹井昌利山青城山崑崙山皆有

崑崙山崑崙山有丹井崑崙山崑崙山有古壇

越玄闕見中黃丈人登雲臺入青城天國之

都見竈先生受龍蹠之經築壇于山上封竈

先生為五嶽丈人使嶽神一月再朝嶽神灑

六時之泉以代畧漏帝問先生真一之道先

生曰吾得道始仙耳非是三皇天真之官實

不解此真一之文近皇人為扶桑君所使領

峨嵋山仙官今猶未去可往問之帝乃到峨

嵋之山清齋三月得與真人相見真人者不

知何世人也身長九尺玄毛被體皆長尺餘

髮纒長數寸其居乃在江北絕巖之下中以

蒼玉為屋黃金為牀然千和之香侍者皆聚

仙王女座賓三人皆稱太清仙王方見皇人

飲以丹華之英漱以玉井之漿黃帝旬旬既

生再拜稽首而立請問長生之道皇人曰子

既官四海復欲不死不亦貪乎帝曰萬兆無

主則相凌暴今為制法足以傳後私心好道

遠涉四海幸遇道君願垂哀告竊見真人食

精之經徒省其文而弗綜其意看其辭而不

釋其事乞得教誨皇人大驚良久乃答曰汝

安得聞見此乃金籙之首篇上天之靈符太

上之寶文矣白日昇天飛步虛空身生水火

變化無常此天仙之真唯有龍胎金液九轉

之丹守形絕粒辟除萬邪役使鬼神長生久

視乃血脉流宣腸化為筋百災不能傷延期

至億千則唯有真一食五牙之文此二事但

使南斗君領錄參於大帝捷籙自非仙人四

千年一出之約皆不得背科而妄泄也又西

王母祕此書於五城之內其外術備有仙樓

十二藏以紫玉之匱刻以黃金之札封以丹

芝光華印以太上中章其無仙籍者不得聞

知也子未可聽天音於地耳矣便可去也帝

答曰昔已受神丹於玄女唯未受五牙食真之經幸今運會得見道君既不以授生道是臣相命不得度世耳因叩願流血唯乞懸濟太清三仙王復慙助之曰此子先世有功德及鳥獸故芳氣之流尤于帝位何為隱其真牙之經乎可教而成之也皇人命帝坐而告之曰汝向所道之經蓋上天之氣歸於一身一身分明了可長存耳夫人有生之最靈也不能自守其神而却衆惡若知之者不求枯於天止於其身則足矣且一身猶一國也胃腹之位猶官室也四肢之列猶郊境也骨節之分猶百官也神猶君也血猶臣也氣猶民也故知理身則知理國愛其民所以安其國容其氣所以全其身民散則國亡氣竭則身死亡者不可存死者不可生所以至人消未起之患理未病之疾堅守之於無事之前不追之於既逝之後民難養而易散氣難係而易失審厥德所以固其理削嗜欲所以成其真然後真一存焉三一守焉泥丸絳官丹田三一之宅也子勤守之萬毒不傷漱華池食

五牙便為真仙矣吾受此經於九天真王今以相付存之於口名曰朱鳥之丹取之於身名曰真一勤乎秘哉大有旨曰五穀為利命之鑿五牙為長生之根也帝度道畢東過廬山署九天使者秩次青城丈人比御史主總仙官之籍為五嶽之監司也帝又封嵩山君為九天司命主生死之錄復以四嶽皆有佐命之山而南嶽孤峙無輔乃章祠三天太上道君命霍山為南嶽儲君瀟山為南嶽之副以貳其政以輔佐之乃寫九州山川百物之形又作五嶽之圖用傳於世帝鍊石於緡雲之山有緡雲之瑞立緡雲之室丹丘存焉帝藏兵法勝負之圖六甲陰陽之書於苗山在苗山今施州府名玉苗山為苗山又合符瑞於釜山奉事太一元君受易形變化藏於空同之巖帝考推步之術於太山稽力牧者體診之訣於岐伯雷公講氣脈於風后窮律度於容成教殘傷綴金冶之事畢該秘要窮究道真傳陰符則內合天機外合人事理天下南泊交趾北至幽陵西極流沙東界蟠桃在交趾山

山帝曰吾聞在宥天下不聞理於天下我勞天下久矣息駕玄圃以反余真也在崑崙山帝嘗借封禪禮畢乃採首山之銅鑄鼎象物鼎成以象太一於雍州雍州在秦州其鼎知吉凶知存亡能輕能重能息能行不灼而沸不汲而盈自生五味真神鼎也遂鍊九鼎之丹服之以丹法傳於玄子重盟而付之丹經藏於九疑之東委羽之山承以文玉覆以盤石金簡玉字刻其文夏禹得其書合丹成道藏於會稽之山帝道改傳其書合丹昇天藏於雲臺之山也帝又以靈寶五符真文金簡書之一通藏於鍾山一通藏宛委之山帝所鑄劍鏡鼎器皆以天文古字題銘其上或有秘藏之詞焉時薰風至神人集成厭代之志留冠珮劔焉於鼎湖極峻處昆臺之上立館於其下有馬師皇者善醫馬通神明忽有龍下于庭張口閉目師皇視之此龍有病乃引鍼以鍼龍口中以牛乳煎甘草灌之龍病即愈師皇乘龍而去黃帝聞之自擇以戊午日昇天果有黃龍垂胡髯迎帝帝乘龍登天與無為子及臣僚昇

天者七十二人其小臣不得去者攀斷龍華
及墮帝弓小臣抱弓而號因曰鳥號弓萬姓
仰天而呼因名其地為皇天原亦名鼎湖
其後有臣左徹削木為黃帝像率諸侯而
朝奉之臣僚追慕取几杖立廟而祭之取衣

冠置墓而守之於是有喬山之冢
在上郡月山又晉地樂有黃帝祠黃帝曾遊處皆有祠

焉五百年後喬山墓崩空室唯劍與赤鳥在
一旦亦失去其載黃帝居代總二百一十年在位一百零九年昇天為太一君又為軒轅

之星備黃龍之體在南宮之中
大體無天神軒轅是也

後代享之列為五帝居中配天蓋黃帝土德
中央之位兼總四方也東方青帝太昊南方少昊北方黑帝以鎮星為子上配五老下

配五帝黃帝之子昌意居弱水昌意之弟少昊帝妃女節所生也帝之女溺於東海化為鳥名曰精衛常銜西山木石以堙東海焉少昊名摯字青陽即帝位號金天氏黃帝之子也顓頊高陽氏黃帝之孫也有聖德在位七十八年年九十八歲母蜀山氏都商丘濮陽

廣黃帝本行記

禹強黃帝之胤顓頊之子與顓頊俱得道顓頊為玄冥禹強為北方水神
顓頊以來以帝譽高辛氏黃帝之孫
帝生而神靈自言其名都偃師在位七十年年一百五歲帝堯陶唐氏黃帝玄孫姪伊祁名放勳與

於定陶以唐侯為帝
定陶有唐縣都於平陽
在平在位九十八年年一百八十八歲帝舜

有虞氏姓姚名重華黃帝八代孫
孫國有虞都蒲坂年百歲得道登遐於九疑之山夏禹號夏后氏黃帝玄孫姪姒名文命
命已八代

黃帝十七代孫黃帝子少昊生焉
少昊生焉黃帝子孫各得姓於事帝吹律定姓者
也十二世中少昊有子姓曼顓頊姓姬
以黃帝子又張鄧軒路黃冠宋躑白薛虞資伊祁申屠黃公托跋
此俗以上為姓以君為姓乃以

黃帝有子各封一國
共中總三十三氏出黃帝之後子孫相承凡一千二百五十年自黃帝已百歲至今大唐廣明二年辛丑歲計三千四百七十二年矣

廣黃帝本行記